

姚安縣志

周鍾嶽署簽



第四冊

人物下

卷四

人物

姚安縣志

周鍾經著

卷四

人物

姚安縣志卷二十七

人物志之三

鄉賢

舊制士大夫道積厥躬行孚鄉里與夫事業卓著功在人民者沒則請祠於鄉賢典至重也甘志依各志載宋元明入祠者共十七人清代諸賢甘氏以未經題請特立卓行一門紀之實則皆德行粹美志誼純固可爲鄉里式範者茲擇其尤異併甘志以後諸名賢公議著之於篇既月旦以昭公論復慎筆以載懿行庶於表揚之中仍寓鄭重之意云

宋

高昇泰

子泰明

高泰祥

謹按甘志將泰祥列入元代泰祥不屈於元爲段氏忠臣其時尚屬宋代自應更正以昭忠節而符事實

元

高明

明

李霖 劉鈞 郭如磐 楊道東 任俊 張金 劉九疇 僕雲

徐化 徐體震 徐琯 陶希皋 陶珽 陶琪 高耀

謹按徐化三人本爲祖孫父子化爲體震父殆爲體震子王廿二志所列次序均有錯誤亟應更正

清

高裔映 黃開商 夏詔新 饒乙生 甘榮祿 趙子驥 甘雨 徐聯魁

陳廷杰 馬駟良 甘孟賢 甘仲賢 甘季賢

民國

由人龍

高昇泰大理國段氏臣德侯滇考各書作德侯李通志南詔野史作保德侯智昇之子也段思平時有諱方者其先於唐開元中與段氏

同爲南詔臣晉天福二年思平將發難方守善巨密遣人招思平思平至與高氏謀借兵三十七部助之

思平立國號大理封高氏爲岳侯宋熙甯八年各記載作熙寧八年野史作元豐三年段廉義一作連義爲其臣楊義貞所弑義貞自立

四月智昇遣子昇泰起東方兵誅之而立廉義從子壽輝以靖難功加智昇太保封德侯金石粹編領鄯闡牧

昇泰封鄯闡侯高氏族譜封天平公紹聖元年滇載記作元符二年誤段正明避位爲僧國人奉昇泰立之二年寢疾詔其子泰明日

我之立國因段氏微弱國人推我不得已而爲此我死必還故物爾後人勿效尤也秦明遵遺言求段氏

子正淳立之號曰後理國段氏復興秦明仍續輔政封翊聖公

參漢載記野史李通志方輿紀要滇考州舊志

謹按各紀載均作正明避位爲僧國人共奉昇泰爲主滇雲歷年傳則大書昇泰遂其君段正明而自立僧號大中國改元上治殊爲失實蒙段立國精神各異蒙尙武段尙文蒙尙儒段尙釋段氏避位爲僧在正明前則有思英素隆思廉壽輝後則有正淳正嚴正興雖事因不一要多得力於佛學

解脫之功即段氏武功霸略均遜蒙氏亦由於此此正明避位爲僧之確證也昇泰始由國人奉推終則遺命還國前即誅除篡逆後嗣更效忠死節事實俱在豈可以迂儒曲筆而沒其盛德乎故雞山志載宋徽宗政和五年乙

未遣翰林院黃漸磐褒旌秦明讓國忠貞賜豹節二彤雲幟一錦章一文曰讓全忠孝再賜紫綬命

服一襲晉秩銀青光祿大夫加守正高班祇侯元世祖勅建讓公祠通志祠在府西汝南王捐建碑

略曰遵父讓國全忠秉節明洪武十六年僧無極入覲太祖召對高氏求經輔君興文讓國敕沐英

查確賜御製祭文春秋加祀讓國公文載大理楊弘山風遂錄湯升菴段氏五高氏以侯存卹南土

禍福共之升菴並致演志局書秦明遵父訓竭忠輔道語詳劉又吾滇志觀此則歷年傳書益無實

據矣並諱氏族

高秦祥各記載作秦祥元史作高祥昇泰九世孫也

方輿記要演習明清七世孫

爲段氏相國宋理宗二十年冬

元史本紀作歲癸丑是爲宋理宗二十九年方輿紀要南詔野史作理宗淳祐十二

年亦即寶祐元年均合其他紀載作壬子年殊誤

元世祖領兵二十萬

是爲蒙古憲宗二年世祖忽必烈各書多稱太弟師次臨洮分兵三道以進云滇纂作率衆二十萬

伐雲南舉國惶惶咸思蹈海秦

祥獨率衆分守金沙江與元將伯顏不花虎兒敦等相持世祖命衆以革囊潛濟江破吐蕃出石門關遂

進薄大理城秦祥回軍至大理奉其主段興智拒戰不勝退至統矢

兩詔野史滇考作奔姚州

募兵勤王武夫義士桴鼓

相應三十七部酋長刻期且至元兵已長驅而入秦祥被執

讀安簡錄獲秦祥於姚州黑初山通志黑初山在鄂嘉州治西一里明一統志五峯環列連亘百里有石狀如冬瓜色如鐵

大理面訊不屈世祖欲官之不受乃殺之

元史作斬於姚州各記載作斬於五華樓

臨刑呼曰段運不回天使其然為臣隕首吾事畢

矣時白日正午忽雷電大作風沙愁慘觀者莫不掩泣

兩詔野史作白日雷大震滇考作雲起雷震滇考作時烈日當午雷電大作風沙愁慘觀者萬人莫不洒泣

世祖嘆曰忠

臣也以禮葬之是歲十二月夫人段氏抱孤兒高瓊高長壽伸訴世祖目孤兒顧左右曰此忠臣之後宜

善視之乃世其官於姚州

參各記載各通志州舊志

高明祖隆政世守姚州父政均入朝授武毅將軍天歷戊辰明又入朝文宗嘉其世濟忠孝自遠述職賜

衣馬褚幣命陞姚州為姚安路授明為姚安路軍民總管留遣會雲南兵禍起還鎮賊退兵解明招流離

撫攜貳關汗萊還侵軼繕官舍葺郵傳定民賦峙軍儲無不精究興學校進聘荆益關陝之士以為民師

遠購洙泗灑洛之書以興民學父老威慶並祀名宦

參歐陽玄陞姚安路記州舊志

謹按李通志載子壽官至雲南中書左承高氏族譜作明壽又各志高明已載名宦而互見鄉賢明係姚人以載鄉賢為宜又各志一入行誼有數長多互見各篇殊失體要本志就各人擇其重要者入某篇他篇即從刪以免重贅

李霖姚安所人成化乙酉舉人任浙江運副一介不取歸里之日行李蕭然田居十餘年惟茹淡衣垢親

鄰有饒者卻之終其身無悔色後浙中坐以盜官緝移文至滇繫其子令償之御史呂文榮素知霖賢按

之果誣也蓋同列者忌其履潔故中傷云

李通志雲
南通志

劉鈞姚安所人成化癸卯舉人也年友純慤嘗於元夕觀燈拾金鈿不以語人明日至其處俟之果有一婦人來泣求所失鈞即以鈿還之婦人謝曰昨夜失此爲翁姑所迫幾死矣感拜而去鈞即以是年舉於鄉人以爲陰德之報云後知長壽縣分祿以及士之貧者

李通志作典學西蜀分祿以給士之貧者士類咸以得師爲慶

歸里四十餘年不輕入市

李通志雲
南通志

郭如磐姚安所人嘉靖壬午科舉人也官青神知縣履操端潔行李僅圖書數卷歸田後下帷講誦教授

生徒恂恂如諸生家徒四壁立不知其爲士大夫也

州舊志

楊道東字載吾姚州人嘉靖乙丑進士也天性孝友好義樂施未遇時是有衣不蔽體者嘗解衣衣之家居安貧守道雖衣食不給淡如也讀書手不釋卷爲文原本六經尤究心於周禮一書甲子魁於鄉乙丑

成進士未殿試卒於京不竟其用士論惜之

州舊志

任俊姚安所人以貢監任南城兵馬司正指揮勤敏端慎陞後軍都督府經歷封父母如其官姚之仕宦膺封者自俊始家無遺產子孫幾不能立可以知其所操矣

州舊志

張金姚安所人由貢士任江津訓導有文學性警敏過目成誦尤長於古文辭修城修學諸碑記多出其

手著有傳心集年九十六卒知府李贊報入鄉賢

州舊志

劉九疇姚安所人以貢生仕至綦江知縣性孝友出仕時即以家產盡分胞弟四人鄉里稱敬有司詳請旌揚於萬曆二十二年恩賜孝友馳聲四字兩院獎給以仁讓可風敦倫範俗匾額

州舊志

懷雲姚安所人以貢士任陣縣教諭言動不苟子維賢以隆慶戊辰科成進士雲閉門卻掃不受親鄰賀亦不以半刺通有司別號靜齋年九十卒

州舊志

徐化姚州人以貢生官江西贛州知府

州舊志

徐體震萬曆丙午科舉人也任武隆知縣卽州知州

州舊志

徐瑄姚州人貢生初官定遠教諭後任江西知州

州舊志甘志注以上三人事蹟闕載

陶希臬字直南姚安所人萬曆癸酉舉人也少從盱江羅汝芳學後任石阡府推官發奸摘伏如神遷知永甯州平賦役擒巨寇尋以剛直忤上官左遷王府教授遂辭官歸里養親課子族人之無後者爲任喪葬鄉里有不平者解之倡首捐資修黌宮鄉人感其德

甘志注參一統志雲南通志

陶珽希臬子字紫閨號不退有夙慧因自稱天台居士慕孔穉圭之爲人故又號穉圭中萬曆辛卯科舉會試不第歸遂棄家入雞足山讀書於白井庵大覺寺臨摹書法於楞伽室萬曆庚戌成進士與傅忠壯

公宗龍爲同年友初珽登鄉薦赴公車時宗龍始生其父夢同年至來朝則珽踵其門矣珽屢試不第堅守之比足十八年果與宗龍同榜當時傳之以爲美談云初授刑部四川司主事二任福建司員外郎三任山西司郎中四任大名府知府五任隴右道副使再轉遼東兵備道與經略袁崇煥籌備邊運饟諸大政皆動中機宜未幾改武昌兵備道凡七任皆有政聲由其才高學博故措施裕如也致仕歸建開拓城池議編郡乘修學宮周恤族黨講學論文四方來學者日衆築雪閣日研性理於其中善書法宗大米與邢子愿齊名歸里後東南萬里之乞書者絡至片紙隻字遺落人間皆寶若尺璧未第時又嘗讀書於西湖與陶石簣袁中郎黃慎軒董元宰陳眉公諸公卿名士交所爲詩文海內稱絕著有閬園集錢牧齋序之並纂續說郛續伯敬史懷諸書甚淹洽其家所存議事條陳遺稿類多直言不阿當明季衰亂之時能以剛正自矢尤爲難得昆明雷少詹躍龍目爲名世良不誣也

甘志注參高翥映
難足山志州舊志

謹按通志探問愚錄庭號萬閨晚悅禪又號不退姚之守禦所官籍靈慧夙生以故稱天台又曰隄圭方孔隄圭而係其景仰演詩拾遺作慕匡隄圭之爲人即善說詩之匡鼎也未知孰是

陶珽珽之弟天啟辛酉科舉人也由太平縣教諭陞國子監助教轉工部主事遷郎中外遷寶慶府知府

所至皆有賢聲致仕歸敦行孝友葺文廟修府志著有寄園集別號無學居士

甘志注參高翥映
難足山志州舊志

高耀字青岳世爲姚安土府同知嘗從沐黔國討元謀吾必奎之亂沙定洲事變沐天波西奔金滄道副

使楊畏知扼守楚雄檄羅往援永曆入滇羅馳入衛陞光祿少卿再轉太僕正卿永曆播緬羅率夫人木氏從之至騰越親屬子弟以世職之故追留之義不爲官以印綬及子裔映付親屬還入太覺寺從無住

禪師爲僧後歸姚開建曇華山終焉

參滇繫甘志餘
瑣錄高氏家譜

謹按甘志餘瑣錄州舊志謂羅以疾避爲僧一似有所諱者竊思本朝誅獻閣二賊清寇氛而膺大寶凡明季抗節諸臣皆錫以美諡而表揚之如羅者夫亦何嫌何疑亦爲之諱乎亟爲搗出以俟後之重修斯志者本志特備徵而表章之

高裔映字元廓一字雪君別號問米居士姚州土府同知高耀子也耀當國破君亡義不仕清裔映襲職

生性警悟幼嗜讀過目成誦博極羣書自性理經濟以至立釋醫術莫不洞曉詩詞歌賦皆能深造入微

天資既大過乎人而學力倍之

凌倬天來
氏易註序

康熙十二年會川一碗水沙逆叛亂奉檄出川巡視尋吳藩事變

威逼分巡川東未幾託疾掛冠辛酉清軍復滇以隻身單騎殄大逆制潰軍特授參政

石屏李銘撰先生五十壽
序昔甲寅乙卯間夫子以

威逼秉憲川東以隻身單騎殄大逆制潰軍天子鑒其忠惻特予參政家譜回滇聯絡各土司密報機宜於綏遠將軍蔡毓榮及大將軍圖海蜀人龔懋勛撰

先生三十三歲壽序節度川東此大不得已之所爲衆人固不識也其所設施蓋爲最難凡所飛輓委諸逃民滇繫世藩割維西中甸賂青海乞援文爲高土

司所載瀕破而師不至高即雪君名裔映甘孟賢雪君先生傳即以世職予其子映厚承襲告歸結廬結璘山因號結璘山叟

家孫厚德先生事狀又先生五十歲所著
太極明辨序歲戊午（康熙十七年）方

日事丹鉛並裁成後學及門之士咸進士者二十二人登鄉薦者四十七人

施濟凡興學厚俗崇儉助婚賻喪救急養老助產掩骼施棺諸善舉皆列有專書分別類例捐貲爲之無

蜀還不意及門相援來者遂致戶外之負及常滿以辛丑
（順治十八年）歷今鄉會兩科及門登榜者幾盈六十

著書八十一種兼綜儒釋著述之富爲一州之冠生平好公益喜

所咨事親至孝親喪斬衰廬墓前後六年提學王之樞嘗書德庸學遂四字贈之

參滇纂州舊志廿五賢高雪君先生家傳

黃開商字質公姚安府學歲貢少孤事母以孝聞性謙退和厚勤耕讀敬兄友弟家貧不以累心人或忤之不與校以康熙乙丑年試授澂江教授爲諸生講明經學於是登科第者奮起尋護河陽縣印士民交頌後改平彝教諭課士亦如澂郡當時滇中稱善教者首推焉

州舊志

夏詔新字丹來號樂村雍正己酉拔貢學識淹貫嘗與劉庶埴

保山人

張瑄纂修四川通志擢遂甯知縣捐

築堰堤溉田千餘畝調補成都尋遷會理再轉西陽州瀘州同知三護永甯兵備篆在蜀幾三十年所至有政聲其治會理也嘉惠士林文風丕振屢決疑獄人以青天目之其治瀘也教養兼舉興利除弊修建學宮及周太師尹吉甫蜀漢尚書令董允故里專祠倡修州志士民爲立生祠致仕歸與兄弟共財倡修覺宮捐貲獨多躬親庀材程工復遣子至大理購運點蒼石爲廟中壯觀捐置鄉會兩試卷金田紳士議買裁府缺署改建書院無所出獨力任之且以家藏十三經注疏二十一史送入書院嘉惠後學三姚人無賢愚貴賤莫不佩其德行著有編年詩集見袁文揆滇南詩略

參滇纂滇南詩略樂村先生事狀州舊志

饒乙生字敬齋姚安府學歲貢性端重沉毅博通經史讀性理書有得遂厭棄科名居家奉親教授生徒取先儒語錄與六經勘其異同精思力踐凡日用倫常事爲皆守先哲成法而出於性之所安晝有所爲

夜則筆之於書教人先行後文隨其材質而裁成之尤加意於寒畯課穉子務在保生講解迎機引導因事指物告以天理人欲之辨遊其門者無苦督責而智慧日開具見善誘錄晚年選授雲州訓導年老不之仕優游林下著有窮理惺心集敬齋日記行於世皆躬行心得之言子師賢宗賢皆歲貢生宗賢別有傳孫有亮以乾隆戊辰科成進士人以爲厚德之報云

參州舊志甘孟賢敬齋先生家傳

甘榮祿字廷錫號學陶道光間歲貢器質端凝寡言笑少時能以積誠回嚴父心調堂上琴瑟里父老以曾閱目之稍長博覽羣書隱居教授講解以義理爲主更以實踐相期平生尤肆力於理學與弟榮昌相師友切磋琢磨友愛終身偶疾謂弟曰我僅一子爾有二子產業當以三分均分疾愈果如言析產時邑中有兄弟不和爲爭產而興訟者輒感而息焉榮祿持躬謹懷不入公門生平無與人爭訟事官於姚者咸欽重之弟榮昌別有傳

參甘志曾希孔學陶先生行傳

趙子驤字達夫號金坡州北光祿鄉人性豪爽敦氣節工書法事繼母以孝聞咸豐初補州學生員旋經回衆之變隱居教授賊屢招之不屈同治中提督楊玉科剿逆西回衆以禮聘置幕府爲籌攻戰之略勳中機宜全滇平以功累授道職分河南補用督辦河工沙工城工俱有成績光緒八年權南汝光兵備任以廉介稱未幾卒於汴

甘志

甘雨字潤之一字慰農晚號臥雲老人榮祿子咸豐中歲貢賦性端慤少承家學潛心宋明諸儒遺書精思力踐會父病痿就養無方父歿遭咸同之亂奉母山居有欲汙以僞職終不屈事定旋里設塾講學英俊之士咸出其門又時以理義矯其敝俗士風爲之不變纂修州志七閱寒暑不受公家一錢晚歲授廣西州訓導旋即告歸修復棟川書院及寶成橋主講大成書院訓士以知恥爲本擴充四端爲用著有讀書談四言訓補過齋十箴學修益爲邃密巡撫張凱嵩譚鈞培贈以學懋修齊坊表攸資匾額學使高釗中具事題奏得旨賞內閣中書銜子四人皆領鄉薦

參陳榮昌王衍謙劉安科梁正麟甘潤之先生傳誌墓表

徐聯魁字映斗姚之新興邑人也儀容修偉嚴重有威同治初回衆踞滇西聯魁糾鄉勇從軍轉戰維西中甸有功岑勳勤公毓英檄討鎮雄威維新平之隨從師平貴州苗匪回曾大寇省垣與楊武愍公玉科合師繞道由川入滇斷其後路連下祿武元謀省圍急即馳援以通餉道回師收復定遠黑琅二井進攻姚州賊嬰城固守屢攻不下聯魁乃於城南起土阜二上建礮樓置巨砲轟城賊大窘會武愍以地砲震圯東北城即督兵負雲梯蟻登南北師合城遂克尋克賓川州雲南縣趙州會大軍進攻大理府城克復奉命督辦順甯雲龍騰越軍務攻堅擊險直擣其巢擒斬柳應倉全滇平時同治十三年也以功署永昌協賞穿黃馬褂記名簡放提督授建威將軍調補維西協權騰越鎮總兵光緒三年以父憂解職後授四

川越雋參將十年法人敗盟襲取越南奉命馳援粵西統帶廣武軍右營越事議和歷任維西馬邊協副將再轉阜和協諭解瞻對番夷事件及西甯玉樹與德爾格忒控案在官惠周災民平生治軍整暇謀勇兼施居鄉存心利濟凡寒衣施棺諸義舉皆竭力爲之嘗捐千金建大姚羊蹄江橋贖鄉試卷金並購二十四史古今圖書集成送入書院地方人士咸稱道之

參甘孟賢甘季賢
徐映斗軍門傳誌


陳廷杰字笏齋咸豐間歲貢性端重簡默幼從貢生甘榮祿學終身守師法並與甘雨訂總角交互相切劘勵志行修咸同之亂士之負文學者輒爲僞職所汚廷杰與雨各遠引去雨避州西廷杰避大姚抱遺經傳絕學隱居教授殆十餘年播遷之餘多有挾妖妄爲降乩以惑世誣民者爲文力闢之洋洋千餘言識者擬之爲昌黎原道之作亂平挈其徒應提學試先後遊泮食餼者百餘人晚年主講大成書院勤教不倦生平不才智先人而傲岸者當之輒屈服不敢自肆爲學嘗以不欲勿施有諾無宿二語自勵勵人卒年八十有一甘孟賢爲之傳贊有云咸同之亂亟矣老成謝典籍亡賴二三君子力持於兵燹之餘卒之淵源所漸文教重新詩書之士接踵而起如先生者可一二數也嗚呼絕續之際所關鉅哉蓋定論

也
參孟甘賢陳笏齋先生家傳

馬駟良初名伯良字星五一字景樓姚之光祿鄉人也性聰穎曠達同治末補博士弟子員回亂初起避



甘孟賢先生像



地會川舌耕自給泊楊武愍公由川進剿祿武元謀禮聘參贊戎幕大軍進攻大理草書曉杜酉利害杜頗感悟全滇平以道職分浙江補用辦保甲剔鹽弊尋糧甯紹台兵備道籌海防禦法人俱見才猷解組歸重建鳳岫書院聘名師或躬親講授光緒庚子各國聯軍入京辦團自衛丙午歲大饑主辦平糶散賑全活甚衆居恆設館施醫蠶桑種藍創辦女學倡授英文誘掖後進性耽吟咏官浙時嘗與俞曲園徐花農張子厚陳子宣諸名流結社酬唱著有西征西湖西冷歸田諸集皆平生閱歷之作尤工音律及遊京間益增美備歸教鄉人邑中音樂漸歸雅正

參甘德柄馬景樓先生年譜

謹按通志咸豐六年丙辰杜會分授各偽職有以馬騶良馬國驥等爲偽將軍者此偽職騶良自係杜會黨羽或同族渠魁並非吾姚星五先生是年先生僅十八歲及辛酉年始隨州人朱慶五軍進剿大姚縣令朱吉堂聘掌書記同治二年楊武愍公由仁和進攻武定始入尊參贊戎機且先時先生係名伯良不能牽混並證以趙石禪誄咸同間受僞職如鶴慶之丁槐彌渡之楊景修均被指斥石禪序先生詩亦無微詞均足證明係屬同名讀者不可誤會

甘孟賢雨長子字應塤一字伯塤同治癸酉科舉人也生有至性篤於孝友穎悟異常中式後以親老諸弟幼遂絕意進取惟以養親教弟爲事及諸弟相繼登賢書率以教授四方學者負笈踵至當是時徧三迤人士無不知有姚安甘氏而布衣糲食奉親授徒數十年如一日達官貴人見之者靡不退然若慚內行既完尤好性理諸書學使高釗中贈以理學宗傳潛心玩索身體力行自是學養益粹孝友益篤父病瘡閉以口含水呷吸諸弟繼之便始利疾劇與諸弟更番服侍醫藥凡百餘晝夜不稍懈諸弟先卒喪葬